

Uunga siunnersuut: Qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2018-imeersoq. (Qamutit motorilinnut taamaallaat innaallagissamik brintimilluunniit ingerlatilinnut plug-in hybridbiilinullu akitsuut kiisalu igitassanngortitsinermi akiliut)
Aningaasaqarnermut Naalakkersuisumit saqqummiunneqartoq

kiisalu

Uunga siunnersuut: Eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq. (Plug-in hybridbiilit akitsuutaat, biilinnut innaallagissamik imaluunniit brintimik ingerlatilinnut akitsuummik akiliisussaanninneq kiisalu qamutit motorillit nunaannakoorutit minnerusut akitsuutaannik atorunnaarsitsineq)
Aningaasaqarnermut Naalakkersuisumit saqqummiunneqartoq

pillugit

Aningaasaqarnermut Akileraartarnermullu Ataatsimiititaliap

siunnersuutit aappassaaneerreqarnerannut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Karl-Kristian Kruse, Siumut, siulittaasup
Inatsisartunut ilaasortaq Sara Olsvig, Inuit Ataqtigiit, siulittaasup tullia
Inatsisartunut ilaasortaq Niels Thomsen, Demokraatit
Inatsisartunut ilaasortaq Jess Svane, Siumut
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Tillie Martinussen, Suleqatigiissitsisut
Inatsisartunut ilaasortaq Mala Høy Kuko, Siumut

Ulloq 4. oktober siullermeerinninnerup kingorna ataatsimiititaliap siunnersuutit misissorpai.

Siunnersuutit imarisaat siunertaallu

Eqqussuinermit akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuutip aammalu qamutit mootorillit akileraarutaat pillugit Inatsisartut inatsisaata allanngortinneqarneranik Inatsisartut inatsisissaattut siunnersuutip (ilaatigut) kingunerissavaat:

- Akit oqimaassutsillu qamutitut nalinginnaasunut atuuttut malillugit plug-in hybridbiilit eqqussuinermit akitsuuserneqartussaataalernissaat qamutillu mootorillit akileraaruserneqartussaataalernissaat,
- Akit oqimaassutsillu qamutitut nalinginnaasunut atuuttut malillugit qamutit mootorillit innaallagissamik brintimillu ingerlatillit qamutit mootorillit akileraarutaannik akileraaruserneqartussaataalernerat, taamaattorli eqqussuinermit akitsuummik akiliisussaataannigineq atuutiinnassalluni,
- Inuit angallataannik eqqussuinermit akitsuutip allanngortinneqarnera, taamaalilluni qamutit pisiat allagartaani 75.000 kr.-it ataallugu nalillit siunissami 50.000 koruuninik akitsuuserneqartalissallutik. Qamutit pisiat allagartaanni 75.000 koruunit sinnerlugit nalillit pisiat allagartaanni naliusup 125 pct.-ianik akitsuuserneqartalissasut,
- Snescooterit qamutillu mikinerit nunaannakkoortit sisamanik amerlanernilluunniit assakaasulli (ATV, UVT) eqqussuinermit akitsuummik akiliisussaataaassannginnissaat, tamatumalu peqatigisaanik qamutit akileraarutillit mootorimut akileraaruserneqartussat nalunaarsuiffiannut ilanngunneqarnerat. Akileraarulli 0,00 koruunimut aalajangersarneqassaaq,
- Qamutit mootorillit inuussutissarsiutigalugu savaatilinnit, nersussuaatilinnit, tuttuutilinnit il.il. pigineqarlutillu atorneqartut uumasuuteqarfik nunaqarfimmut illoqarfimmulluunniit killeqarfiup iluaniippat mootorinut akileraarummik akiliisarunnaarnissaat,
- Qamutip mootorillip ingerlataa suussusialu aallaavigalugit allanngorartumik igitassanngortitsinermit ukiumoortumik akiliummik atuutilersitsineq. Igitassanngortitsinermit akiliut igitassanngortitsinermit akissarsianik, qamummik atorunnaakkamik pissusissaatut tunniussinermit tunniunneqartartussamik tapertaqartinneqassaaq. Igitassanngortitsinermit akiliut akissarsiallu pillugit maleruagassat qaqugu atuutilersinneqarnissaat Naalakkersuisut kingusinnerusukkut nalunaarusiorneratigut aalajangersaneqassaaq.

Qamutit innaallagissamik brintimullu ingerlatillit aammalu plug-in hybridbiilit nunatsinni amerliartornerat ilutigalugu akileraarutaasa naleqqussariartuaarnissaat aammalu avatangiisinik mianerinninnerunissaq eqqarsaatigalugu qamutitut akileraarusersueriaatsimik siunissami allanngortitsinissaq inatsisissatut siunnersuutini siunertarineqarpoq.

Tassunga atatillugu qamutit innaallagissamik brintimullu ingerlatillit eqqussuinermi akitsuusigaannginnerisa attatiinnarneqarnera qamutit taakku nunatsinni amerliartornissaannut kajumissaataassaaq – tamatumalu peqatigisaanik inuit angallataannik eqqussuinermit akitsuummik allanngortitsineq qamutit mikinerusut avatangiisinullu mianerinninnerusut amerlanerusut atorneqarnissaannut kajumissaataassaaq. Tassa inuit angallataat pisiat allagartaani 75.000 kr.-it ataallugu nalillit akileraarutaasa annikillineratigut, angallatilli pisiat allagartaani qaffasinnerusumik nalillit akileraarutaasa qaffanneqarnerisigut. Kiisalu igitassanngortitsinermut akiliummik igitassanngortitsinermullu akissarsiamik atulersitsineq illoqarfiup iluani biilikunik qimatanik ajornartorsiuteqarnerup aaqiivigineqarnissaanut aammalu qamutit avatangiisinut tunngatillugu illersorneqarsinnaasumik nalinginnaasumik isaterneqartarnissaannut peqataaqataassapput.

Siunnersuutit Inatsisartunit siullermeerneqarnerat

Siunnersuutitut tapersiisoqarlunilu akerliusoqarpoq. Qamutit innaallagiartortut hybridbiilillu akileraaruserneqarnissaannik siunnersuut taperserneqanngilaq. Snescooterit ATV-llu akileraaruserneqannginnissaat ilaasa taperserpaat ilaasalu tapersernagu. Akerlianilli igitassanngortitsinermut akiliummik atuutilersitsinissaq taperserneqarluarpoq. Kiisalu qamutit avatangiisinut sunniutaannik kiisalu nunatsinni pissutsinut naleqquttuunerannik annertunerusumik isiginnilluni qamutitut motoorilinnut akitsuusersueriaatsip annertuumik aaqquissuuteqqinneqarnissaata sulissutiginnissaanik Naalakkersuisut kaammattorneqarput.

Tusarniaanermut akissutit

Tusarniaanermut akissutit inatsisissatut siunnersuutitut ilanngunneqarput, tamannalu Inatsisartut Siulittaasoqarfiata ilusiliinissamut piumasaaqaatanut naapertuuppoq. Tusarniaanermut ataatsimiititaliaq allanik oqaaseqaatissaqanngilaq.

Eqqortussarli pillugu oqaatigineqassaaq eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuutip tusarniaassutiginera pillugu allakkiami immikkoortut ilanni immikkoortut tamakkiisut ilaannakortulluunniit amigaatigineqarmata. Assersuutigalugu Bjørn Bjerregaardip tusarniaanermut akissutaanut oqaaseqaatinik ilanngussisoqanngilaq, tamannalu ajortorsiutaavoq, tamatumami kingorna allakkiami oqaaseqaatit amigaataasut arlaleriarluni innersuunneqarmata.

Sassartitat

Sulisitsisut kiffartuussinermut assartuinemullu sulialinnut ataatsimiititaliaat siunnersuutit ataatsimiititaliamit suliarineqarnerannut atatillugu ataatsimiititaliamut sassartinneqarnissani qinnutigaa. Suliallit ataatsimiititaliaata saqqummiussaata assinera isumaliutissiissummut **ilanngussatut** ilanngunneqarpoq.

Siunnersuutit ilusiligaanerat

Eqqussuinermit akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuutip naalagaaffiit allat aallartitaqarfiinik konsuuleqarfiinillu oqaatiginninnera qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut inatsisissaattut siunnersuummit allaaneruvoq:

§3, imm. 1, nr. 1, litra e
naalagaaffiit allat aallartitaqarfiinik konsuuleqarfiinilluunniit sulisunit tikisitanit pigineqartut

§1, imm. 2, nr. 3
qamutit motorillit nunat allamiut aallartitaqarfiinik imaluunniit konsuuleqarfiinik imaluunniit aallartitaqarfinni sulisunit qallunaatut innuuttaassuseqanngitsunit pigineqartut

Assigiinnngissuteqarneq tunngavilersugaasimarpasinngilaq, taamaattumillu siunertaasimanngitsoq ilimagineqartariaqarluni. Tamatumani tusarniaanermut allakkiami Naalackersuisut Siulittaasuata Naalackersuisoqarfianut aammalu Nunanut Allanut Naalackersuisoqarfimmut oqaaseqaatit aamma eqqarsaatigalugit.

Ataatsimiititaliap siunnersuutininik suliarinninnera

Qamutit innaallagiartortut hybridbiilillu kiisalu inuit angallataannik eqqussuinermit akitsuummik allanngineq

Konto pingaarnernut 24.11.10-mut aamma 24.11.11-mut oqaasertaliussat naapertorlugit qamutinut innaallagissamik brintimillu ingerlatilinnut kiisalu plug-in hybridbiilinit akileraaruteqartitsinngikkallarneq ulloq 1. januar 2019-imi atorunnaassaaq. Allamik aalajangiisoqanngippat tamatuma kingorna biilit nalinginnaasumik angallatitut isigineqalissapput, taamaalillutillu qamutinut nalinginnaasunut akit oqimaassutsillu atuuttut malillugit akileraarusersugaalissallutik.

Tamatumani paasinninneq tassaajuarsimavoq akileraartussaataanninngineq utaqqiisaasuusooq – aammalu biilininik ineriartortitsinerup aallaartinnerani qamutit avatangiisinut mianerinninnerusut amerliartornissaannut, taamaalillunilu Kalaallit Nunaanni CO2-mik aniatitap tamarmiusup annikinnerulernissaanut kajumissaatitut iliuuserineqarpoq. Tassunga atatillugu nunatsinni biilit atorneqaleriartornerat malillugu akileraarutit nalinginnaasunngortikkiartuarneqartussaassallutik.

Naalackersuisut naliliipput qamutit innaallagissamik brintimillu ingerlatillit kiisalu plug-in

hybridbiilit ima siaruarsimatigilersut qamutitut nalinginnaasunut taarsiullugit qinigassatut isigineqarsinnaalerlutik, taamaalillutillu akileraaruserneqarsinnaalerlutik akileraaruserneqartariaqarlutillu. Tassunga atatillugu akileraarutitigut allannguissamik siunnersuuteqartoqaraluartoq qamutitut avatangiisinut mianerinnittunik pisinissamut sulikajumissaasoqartariaqartoq Naalakkersuisut naliliipput.

Niuerfinni siaruarsimanerannik Naalakkersuisut naliliinerat tusarniaanermut akissuteqartunit arlalinnit akerlilerneqarpoq aammalu qularutigineqarluni qamutitut avatangiisinut mianerinnittunut niuerfiit akileraarummik, qamutitut innaallagissamik brintimillu ingerlatilinnik kiisalu plug-in hybridbiilinik tunisineranut pisinermullu sunniuteqannigsumik, nappassisinnaanersut. Taama isumakuluuteqarneq ataatsimiititaliamit isumaqatigineqarpoq.

Motoorinut akileraarutitut eqquusuinermilu akitsuutitut maleruagassanik allannguinermit biilinik avatangiisinut mianerinnittunut niuerfiit qanoq qisuariassanersut siulittoruminaassinnaammat ataatsimiititaliamit soorunami paasilluarneqarsinnaavoq. Taamaattumillu nunanit allani misilittakkat matumani ilanngunneqarnissaat pissusissamisoorinnaavoq.

Taamaalillunilu aallaavik tassaasariaqarpoq aalajangiinissamut Inatsisartut sapinngisamik pitsaanerpaamik paasissutissatigut tunngavissinneqarnissaat. Tamannalu pissutigalugu ataatsimiititaliamit eqqumiigineqarpoq tusarniaanermut allakkiami oqaaseqaatit ima paasineqassappata; siunnersuummut tunngaviit malunnaatilimmik allanngussagaluarpata akitsuusiinermik maleruagassat tamatuma kingorna allanngortinneqaannarsinnaasut. Taamaassimappat siunnersuutit Inatsisartunit suliarineqarnissaminut naleqqunnersut oqallisigineqarsinnaavoq. Taamaalillunilu aalajangiinissamut naammangitsumik tunngavissaqarnerup ajornerpaaffimmini kingunerisinnaavaa nunatsinni avatangiisinik ukiuni kingullerni mianerinninnerulernerup akitsuusiinissaq pillugu siunnersuutitut allanngortinneqarsinnaanera.

Tamanna tunngavigalugu siunnersuutit imarisaasa ilaat plug-in-hybridbiilit eqquusuinermit akitsuuserneqarnissaannut motorinullu akileraaruserneqarnissaannut tunngasut kiisalu qamutit innaallagiartortut motorinut akitsuuserneqarnissaat ataatsimiititaliamit **isumaqatigiittumit taparserneqarsinnaanngillat**. Tassunga taarsiullugu akitsuuseeriaatsip nalinginnaasumik allanngortinneqarnissaata sulissutigineranik aallartitseqqullugit Naalakkersuisut kaammattorneqarput, taamaaliornikkut pisiat allagartaani nalingat oqimaassusiallu kisiisa pinnagit qamutit avatangiisinut innarliinerat annertunerusumik aallavigineqarsinnaaqqullugu.

Taamatuttaaq inuit angallataannik eqquusuinermit akileraarutip allanngortinneqarnissaa siunnersuutigineqartoq ataatsimiititaliamit **isumaqatigiittumit taparserneqarsinnaanngilaq**,

tassuunami biiliaqqat, siunnersuutikkut akikinnerulersinniarneqartut, nunatsinni aqqusinernut silallu pissusianut nalinginnaasumik naleqqutinnginnerat isiginiarneqanngillat. Tamatuma peqatigisaanik qamutit anginerusut, nunatsinnulli naleqqunnerusut, siunnersuutikkut akisunerulersinneqassapput.

Snescooterit ATV-llu

Snescooterit qamutillu mikinerit nunakkoortit (ATV, UVT aammalu sisamanik assakaasullit) siunnersuut una aqqutigalugu eqqussuinermi akitsuummik akiliisussaataassanngitsut, tamatumalu peqatigisaanik qamutit akileraarutillit motorimut akileraaruserneqartussat nalunaarsuiffiannut ilanngunneqassasut ataatsimiititaliamit maluginiarneqarpoq.¹ Akileraarulli 0,00 koruunimut aalajangersarneqartoq.

Snescooterit qamutillu nunaannakkoortit mikinerit amerlasuutigut illoqarfinni mikineri nunaqarfinnilu atoruminarnerusut isigineqarnerat tamatumalu peqatigisaanik qamutinit mikinerusunit nalinginnaasunit allanit mingutsitsinikinnerusutut nalilerneqarnerat tamatumunnga tunngavilersuutigineqarpoq.

Tassunga atatillugu ataatsimiititaliamit eqqumaffigineqarpoq akileraarusinnginnissaq aalisarnermik piniarnermillu inuussutissarsiuteqartunut iluaqutaasussatut naatsorsuutigineqarmat, tamannalu ataatsimiititaliamit tapersersornartinneqarsinnaavoq.

Tamanna tunngavigalugu ataatsimiititaliami **amerlanerussuteqartut** Siumup, Demokraatit Suleqatigiissitsisullu ilaasortaataasa siunnersuutip ilaa snescooterit qamutillu nunaannakkoortit mikinerit eqqussuinermi akitsuuserneqannginnissaannik kinguneqartoq taperserpaat.

Ataatsimiititaliami **ikinnerussuteqartut** Inuit Ataqtigiit ilaasortaataasa snescooterit qamutillu nunaannakkoortit mikinerit eqqussuinermi akitsuuserneqannginnissaannik siunnersuut tapersinngilaat, tassungalu atatillugu oqaatigalugu: "Inuit Ataqtigiit isumaqarput snescooterit aammalu qamutit motorillit nunaannakkoortit mikinerit (ATV, UVT) eqqussuinermit akitsuutaat atorunnaarsinneqassanngitsoq, qamutimmi taakku pinngortitamut pitsaanngitsumik annertuumik sunniuteqartarmata. Akerlianilli isumaqarpugut taakku motorinut akileraarutaat sunngiffimmi atuisunut affaannangortinneqassasoq aammalu aalisartunut, piniartunut nunalerinermillu inuussutissarsiuteqartunut atorunnaarsivinneqassasoq.

Hybridbiilinut aammalu qamutinut innaallagissamik ingerlatilinnut eqqussuinermi

¹ Snescooterit ullumikkut eqqussuinermit akitsuusigaapput, motorinullu akileraaruteqaratik.

akitsuusiinissamut imaluunniit motorimut akileraarusiinissamut piffissaanngitsoq isumaqarpugut, tassa qamutitut mingutsitsinnginnerusunut nuukkiartuaarnerup pitsaasumik ingerlanerata malinnaaviginissaa kissaatigigatsigu.

Taamaattorli isumaqarpugut igitassanngortitsinermi akiliummik kiisalu igitassanngortitsinermi akissarsitsinermik atuutilersitsinissaq isumatusaartuusoq, qamutininmi suugaluartunilluunniit igitasineq immikkut ajornartorsiutissartaqartarmat”.

Igitassanngortitsinermi akiliut

Kiisalu illoqarfinni nunaqarfinnilu amerlasuuni qamutit qimaannakkat ajornartorsiutaanerit iliuuseqarfigineqartariaqaraluarimat ataatsimiititaliamit isumaqatigineqaannarsinnaavoq. Qamutit qimaannakkat peerneqartalernerannik aammalu qamutit atorsinnaajunnaartut avatangiisinut mianerinnittumik iginneqartalernerannik igitassanngortitsinermit ukiumoortumik akiliut aammalu igitassanngortitsinermit ataasiartumik akissarsitsinermik atuutilersitsineq tunngavissiippat suliniummut **tapersiinissani** ataatsimiititaliap **isumaqatigiittup** piareersimaffigaa.

Eqikkaaneq

Qamutit innaallagiartortut plug-in-hybridbiilillu eqqussinermi akitsuuserneqarnissaat aammalu plug-in-hybridbiilit motorimut akileraaruserneqarnissaat ataatsimiititaliamit **isumaqatigiittumit** taparserneqanngilaq.

Taamatuttaaq inuit angallataannik eqqussuinermi akitsuutit allanngortinneqarnissaannik siunnersuut ataatsimiititaliamit **isumaqatigiittumit taparserneqanngilaq**, tassa taamatut allannguinermi qamutit mikinerpaat oqinnerpaallu nunatsinni pissutsinut ukiuunerani aqqusernit maniittarnerannut quasattarnerannullu naleqqutinnginnerat isiginiarneqarsimangimmat. Akerlianilli qamutit oqimaannerit nunatsinnilu pissutsinut naleqqunnerit siunnersuutikkut akisunerulersinneqassapput.

Snescooterit ATV-llu eqqussinermit akitsuuserneqannginnissaat **amerlanerussuteqartunit taparserneqarpoq**.

Igitassanngortitsinermi akiliummik aammalu igitassanngortitsinermi akissarsiamik atuutilersitsinissaq ataatsimiititaliamit **isumaqatigiittumit taparserneqarpoq**.

Immikkoortumi matumani takuneqarsinnaasut Naalakkersuisut siunnersuutaasa ilarujussui taama iluseqartillugit taparserneqanngillat. Siunnersuutit ilaasa ataasiakkaat peerneqarnissaat ajornartorsiutitaqarsinnaasoq ataatsimiititaliamit ilisimaneqarpoq, taakkumi siunnersuutinilu aningaasaqarnermut tunngasut ataqatigiimmata. Taamaattumillu ataatsimiititaliamit

kissaatigineqartut malinneqarnissaat siunertaralugu pingajussaaneerinninnissamut allannguutissatut siunnersuummik saqqummiussisoqassanersoq imaluunniit pisiat allagartaani nalingat oqimaassusiallu kisiisa pinnagit qamutit avatangiisinut innarliinerat annertunerusumik aallaavigalugu akitsuuseriaasissamik nassaarniarnissamut piffissaq annertunerusoq atorneqartariaqartutut nalilerneqarnersoq Naalakkersuisut namminneq nalilerpassuk ataatsimiititaliamit naapertuunnerpaatut isigineqarpoq. Tamanna pillugu Naalakkersuisut oqariartuuteqarnissaat ataatsimiititaliamit naatsorsuutigineqarpoq. Siunnersuutit pingajussaaneerineqarnissaannut allannguutissatut siunnersuummik saqqummiussinissaq Naalakkersuisunit toqqarneqarpat pingajussaaneerinninnissaq sioqqullugu siunnersuutit ataatsimiititaliamit nutaamik suliarineqartussanngorlugit innersuuneqarnissaat ataatsimiititaliamit kaammattuutigineqarpoq.

Kiisalu ataatsimiititaliamit eqqumaffigeqquneqassaaq pingajussaaneerinninnissamut allannguutissatut siunnersuutit saqqummiussisoqanngippat qamutit inaallagissamik brintimillu ingerlatillit aammalu plug-in-hybridbiilit akitsuuserneqanngikkallarnerisa, ulloq 1. januar 2019-imi atorunnaartussap sivitsorneqarnissaa pisariaqassamat.
Aningaasanut inatsimmik suliaqarnermi tamanna siuarsaqqullugu Naalakkersuisut ataatsimiititaliamit isumaqatigiittumit kaammattorneqarput.

Siunnersuutit aningaasaqarnikkut kingunerisassa

Siunnersuutit aningaasaqarnikkut kingunerisassa ilusiliinissamut piumasaqaatit malillugit nalinginnaasumik nassuiaatini allaaserineqarsimapput. Annertunerusumik oqaaseqaateqarnissaq ataatsimiititaliamit tunngavissaqartinneqanngilaq.

Ataatsimiititaliap inassuteqaatai

Siuliani allassimasut tunngavigalugit qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaattut siunnersuut (UKA 2018/197) **itigartinneqassasoq** ataatsimiititaliap **isumaqatigiittup** inassutigaa.

Aamma

Siuliani allassimasut tunngavigalugit eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaattut siunnersuut (UKA 2018/198) **itigartinneqassasoq** ataatsimiititaliap **isumaqatigiittup** inassutigaa.

1. november 2018

UKA2018/197
UKA2018/198

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappasaaniigassanngortippai.

Karl-Kristian Kruse
Siulittaasoq

Sara Olsvig
Siulitaasup tullia

Niels Thomsen

Mala Høy Kuko

Jess Svane

Aqqaluaq B. Egede

Tillie Martinussen



Aningaasaqarnermut ataatsimiititaliamut biilnut akitsuusiisinnaaneq pillugu saqqummiussiissut

Ukiuni kingullerni 2-3-ni ataatsimiititaliami sulisoqarnikuuvoq ujartorlugu qanoq iliorluni pitsaanerpaamik biilit tamakkiisumik ilaannakuusumilluunniit (innaallagiatorlutillu orsertakkat) ingerlatillit Kalaallit Nuaanni aqqusinerni atorneqalernissaat ilisaritinneqarsinnaanersoq. Siunertaasoq tassaavoq mingutsitsinnginnerusumik biilertoqarsinnaalernissaq, AAMMALU aningaasartuutitaqanngitsumik tamanna pissasoq, tassa Nunatta Karsiata akitsuutit assigiinngitsut iluini annaasaqartinnagu.

Nunani allanisuulli ineriartorneq tamanna kigaatsumik ingerlasimavoq, sulilumi ingerlalluni. Kisianni sakkussat pingaarnarpaat ilagivaat – immaqaluunniimmi pingaarnarpaartarivaat – biilit soqutiginarsaarumallugit akitsuuserneqannginnissaat, tuniniarnerinut unitsitissutasinnaasumik, suliluunniit tamanna aallartilluanngitsoq. peqqutigalugu biilit taamaattut suli orsussanik ingerlatilinnit malunnavissumik akisunerunerat.

Nunani allanisuulli ineriartorneq tamanna kigaassimavoq, sulilu ingerlalluni. Kisanni politikikkikut siunnersuusiami akitsuutissatut siunnersuutigineqartoq – Siumumit IA-millu isornartorsiorneqarsimavoq, tunngavissaqavissumik. Akitsuutissatummi siunnersuutigineqartut biilnik tamakkiisumik ilaannakuusumilluunniit tuniniaanermik unitsitsisussaapput. Tamannalu Brancheudvalgimiinnaq saqqummiunneqanngilaq, misilittakkammi tamanna takutippaat. Patsisilersuutit ilaat akitsuusiiniarnermut atatinneqartut paatsuuinernik kukkusunilluunniit tunngavilerneqarsimapput.

Soorlu saqqummiussineq eqqunngilaq, tusagassiuutitigut saqqummiussisoqarmat, biilnik pineqartunik tuniniaaneq ima annertutigilersimasoq, piffissanngorluni akitsuusiisinnaaneq. 2014-imiillimi biilit piuneqartut itut 400-ut tunineqarsimammata. Aamma ilumuunngilaq, biilnik tamakkiisuunngitsumik innaallagiatorluni pillit benzina ingerlatiginerugaat.

Paatsuineruvoq aamma oqarneq ilaannakuusumik innaallagiatorluni aningaasaateqarluartunit taamaallaat pisiarineqarsinnaasut. Biilnit taneqartut itut aap akisujaarput, tamanna biililiortunit aaliangiunneqarsimammata.

Mingutsiterinnginnerusumik bileqalersitsiumagaanni, taava periarfissinneqartariaqarpoq taamaattut tuniuminarsarnissaat., taamatut iliornikkut biilnik akikinnerusunik sanaartortuusut pineqartunik tuniniaalernissaq kajungerilerniassammassuk. Tassami tuniniagaanerulerpata akii appartussaassammata.

Akitsuuteqartitsinnginneq tigummiinnarniarneqanngippat, taamallu mingutsitsinnginnerunissamik qalunneq sanngiillisalerlugu, taava Sulistsisunit siunnersuutigumaneqarpoq ataani periuseq biilnut tamakkiisumik ilaannakuusumilluunniit ingerlatilinnut atatillugu akitsuutitut ilusiliunneqassasoq:

- Aallarniutigalugu ilaannakuusumik innaallagiatortut pisinermi 350.000,- inik annrusumilluunniit akillit tunngavigalugit eqqussinermut atatillugu 10%-inik akitsuuserneqassapput. Teknikkikkut ineriartupiloornermut sanilliullugu, taava biilit tunisaajartuinnarnerat, naatsorsuutigineqarmat taavalu akii appassallutik. Taamaattumillu siunnersuutigineqarpoq akitsuusiineq ukiumut 5%-inik qaffanneqartassasoq biilit nalinginnaasut benzin aamma dieselitortut akitsutaasa tikinnissaata tungaanut.
- Motoorimut akitsuut eqqarsaatigalugu, biilit ilaannakuusumik aamma tamakkiisumik innaallagiatortut ukiumut 5.000,- koruuninik akitsuuserneqassapput. Taannalu proccentinik aaliangiinerit tunngavigalugit nalimmassarneqartarsinnaajumaarluni.
- Biilit ilannakuusumik tamakkiisumillu innaallagiatortut atorunnaarnissaannut ukiumut 1.000,- koruuninik akitsuusiisoqassaaq.
- Ataatsimiititaliamit siunnersuutigineqarsimasut uunga saqqummiussamut naleqqussarneqassapput, tamatumalu kingorna eqqussinermut motoorimullu akitsuut biilip nukissamik atuinera tunngavigalugu inisissorneqarumaarluni.

Imikkoortumi siullermi mianerineqassaaq akitsuutitigut oqilisaatip amerlanerpaanut iluaqusiinissaa – aamma eqqarsaatigalugit inuit isertitakinnerusut.

Biilnik tuniniasartut naliliinerat naapertorlugu saqqummiunneqartutut akitsuusersuineq biilnik tamakkiisumik ilaannakuusumilluunniit innaallagiatortunik tuniniaanermut siuarsaataasinnaavoq siunissamilu akitsuusersuineq ilsuilerneqarsinnaassalluni, Nunatta Karsia tamatuma iluani annasaqartussaajunaartillugu.

Nuuk, ulloq 15. oktober 2018

Lars Krogsgaard-Jensen
Inatsisilerituutut siunnersorti

Oplæg til Finansudvalget vedr. bilafgifter.

Der er igennem de sidste 2-3 år gennemført et udvalgsarbejde med det formål at finde den bedst mulige måde at introducere og indføre el- og hybrid plug-in biler på de grønlandske veje. Formålet hermed var selvsagt at få gjort bilparken grønnere, OG at dette skulle ske ud fra en "nulløsning", således at landskassen ikke på sigt skulle tabe på de forskellige afgiftssatser.

Som i andre lande er denne udvikling gået langsomt, og den pågår stadig. Men et af de vigtigste redskaber – måske det vigtigste – for at skabe interessen for disse biler er, at bilerne ikke pålægges afgifter, der stopper salget af dem, før dette er kommet rigtigt i gang, fordi priserne på disse miljørigtige biler i dag stadig er væsentligt højere end benzin- og dieselmotorer.

Afgifterne, der foreslås med det stillede forslag er fra politisk side – såvel fra Siumut som fra IA – blevet kritiseret, og denne kritik er faktisk ganske indlysende. De foreslåede afgifter på el- og hybridbiler vil stoppe salget af disse biler. Dette er ikke kun noget Brancheudvalget for Service og Transport påstår – det viser alle erfaringer fra andre lande. Nogle af de begrundelser, der er fremkommet for at pålægge de foreslåede afgifter, er misforstået eller direkte forkerte.

Blandt andet er det som påstået ikke korrekt, når det er oplyst gennem pressen, at salget af el- og hybrid plug in biler nu er nået et niveau, hvor det vil være relevant at pålægge afgifterne. Der er siden 2014 solgt ca. 400 hybrid biler og kun ca. 40 rene el-biler.

Det er ej heller korrekt, at ejerne af hybrid plug in biler primært kører på benzinmotoren.

Det er misforstået, at el- og hybrid plug in biler kun kan købes af de mere velstillede. De biler, som i dag produceres som el- og hybrid plug in biler, er som bil forholdsvist dyre. Dette er et valg fra bilproducenternes side.

Hvis man vil en mere miljørigtig bilpark, bliver man nødt til at give markedet for disse biler en chance for at skabe et marked, således at andre bilproducenter af billigere biler kan se en forretning i at producere el- og hybrid plug in biler. Dette vil også generelt få prisen på disse biler til at falde.

Hvis man ikke vil fastholde afgiftsfriheden for disse biler, og for at det stillede forslag ikke fuldstændigt skal underminere den miljømæssige dagsorden, foreslår Grønlands Erhverv (GE) derfor følgende i relation til indførsel af indførsels- og motorafgifter på el- og hybrid plug in biler

- Man starter med at pålægge plug in hybridbilerne **med en fakturaværdi på kr. 350.000,00 og derover** en indførselsafgift på 10%. Grundet den teknologiske udvikling på området sammenholdt med et øget salg af disse biler, forventes prisen herpå at falde. Det foreslås derfor, at indførselsafgiften forhøjes med 5% p.a., indtil

priserne på plug in hybrid biler når et niveauet for tilsvarende biler i benzin- og dieseludgave.

- For så vidt angår motorafgiften, pålægger man såvel plug in hybridbiler som rene el-biler en motorafgift på kr. 5.000,00 p.a. Denne motorafgift kan så reguleres med nærmere angivet procentdel p.a.
- Man pålægger plug in hybridbiler og el-biler en skrotningspræmie på kr. 1.000,00 p.a.
- Man tilpasser det tidligere stillede forslag fra ovennævnte udvalgs side, hvorefter import- og motorafgift baserer sig på køretøjets energiforbrug.

Med det første punkt tager man højde for, at afgiftslettelsen på disse biler kommer så mange som muligt til gavn – også de personer med lavere indkomster.

Man vil efter bilbranchens vurdering med et sådant afgiftsgrundlag kunne fremme salget af el- og hybrid plug in biler og med tiden indrette afgiftsgrundlaget således, at der ikke i Landskassen skabes et underskud på denne konto.

Nuuk, den 15. oktober 2018

Lars Krogsgaard-Jensen
Juridisk Konsulent